

böſen Geiſter/ Das III Buch. 281

hen/nach dē vnd ich ein lange zeit ein fleiſſiges nahin bedencken vnd betrachtē gehabt/hab ich endlich befunden / daß der euent vnd außſchließen ſolcher curation/nicht von Charactern vnd verſegnen herkommt / ſonder es hat vnſer gemüt ein ſolche krafft/daß/ ſo es etwas ehlichſ beredt/vnd bey ſolcher gefaſter meinung ſteiff erharret/ daß es eben daffelbig / ſo es fürgenommen vnd gefaſſet/ thut/ vnd krefftiglichen würcket/ So ferr/ daß deß andern/ gegen vnd mit welchem es zu handeln hat/berg/ſinn/ vnd gedanc̄ ſich nicht in das widerſpiel lege. Denn ſo er ſich jme vertrauet/vnd hülff vnd beyſtand beweiset/wirdt das fürgenommen werck deſter ehe verbracht vnd vollendet. So ſich aber der ander weder vertrauet noch mißtrauet/ ſo wirt niches deſter minder deß würckens den gemüt ſein gefaſſet werck außzuführen. Welches man denn an dem Zanweſhe/zu dem man ſolche Argney mehrmalen brauchet / augenſcheinlich ſehen mag. Denn der Precantator oder verſegner/ deſſen/ ſo nicht darvon iſt / gemüt dermaſſen bewegt/ daß der ſchmerzen / weil er ſeinen Segen brummet/ je lenger je mehr auffhöret vnd nachlaſſet. Welches aber on ein wunder nit abgeht. So aber der franck ihm mißtrauet/ oder ſolch mittel vnd

t iij Arge